

傳法正宗定祖圖序

百九

宋鐸津東山沙門僧契嵩撰

原夫菩提達磨實佛氏一教之二十八祖也與乎大迦葉乃釋迦文如來直下之相承者也傳之中國年世積遠譜謬差謬而學者寡識不能推詳其本真遂不諒紛然異論古今頗爾契嵩平生以此為大患適考其是非正其宗祖其書垂出會頌祖師傳法授衣之圖布諸天下而學佛者雖皆榮之猶聽瑩未論上意契嵩幸此竊謂識者曰吾佛以正法要為一大教之宗以密傳受為一大教之祖其宗乃聖賢之道源天地生靈之妙本也其祖乃萬世學戒定慧者之大範十二部說之真驗也自書傳亂之曖昧漫漶天下疑之幾千百載矣今上大聖特頒圖以正其宗祖然聖人教道必聖人乃能正之是豈唯萬世佛氏之徒之大幸也亦天地生靈者之大幸也契嵩因不避其僭越愚妄之誅敢昧死引其舊事推衍上聖意仰羨乎祖圖亦先所頌祖師傳法授衣之謂也然其始亂吾宗祖焚惑天

下學者莫若乎付法藏傳正其宗祖斷萬世之諍者莫若乎禪經禪經乃先乎付法傳六十二載始終備二十八祖已見於晉之世矣付法傳乃真君廢教之後缺然但謂二十四世方見乎魏之時耳適以禪經驗而付法藏傳果其謬也若如來獨以正法眼藏密付乎大迦葉者則現之涅槃經智度論禪經與其序也以意求之而佛之微旨存焉上脣性高妙獨得乎言謂之外是乃天資佛記也故其發揮禪祖雅與經合宜乎垂之萬世永為定斷三學佛子遵之仰之天下不復疑也其圖所列自釋迦文佛大迦葉至乎曹溪第六祖大鑿禪師凡三十四位又以儒釋之賢其言吾宗祖素有證據者十位列于諸祖之左謹隨其傳法正宗記詣闕上進塵蹟宸眷不任惶恐震懼之至謹序



始祖釋迦牟尼佛示生於中天竺國為淨飯聖王之子尋捨轉輪聖王位出家成無上道轉大法輪其後七十九歲垂般涅槃

得禪宗妙法自釋迦相傳有衣鉢為記世相付授初來至梁詣武帝帝問以有為之事達磨不悅乃之魏隱於嵩山少林寺而卒其年魏使宋雲於葱嶺迴見之門徒發其墓但見衣履而已達磨傳慧可慧可傳僧璨僧璨傳道信道信傳弘忍弘忍傳慧能神秀神秀卒於宋太保



乃以其大法印  
 付其高足弟子  
 摩訶迦葉并勅  
 阿難副貳傳化  
 復以金縷僧伽  
 梨衣令大迦葉  
 轉付當來補處  
 彌勒佛其說偈曰

法本法無法  
 無法法亦法  
 今付無法時  
 法法何曾法

第一祖摩訶迦葉本摩  
 竭陀國人出於婆羅門  
 氏其形金色先捨家入  
 山以頭陀法自修及會  
 佛出世遂歸之為師佛  
 般涅槃之後乃命東阿



羅漢與結集法藏其後  
 持佛衣將入定於難足  
 山以待彌勒下生乃以  
 其法印傳之阿難說偈曰

法法本來法 無法無非法  
 何於一法中 有法有非法  
 第二祖阿難姓利帝利斛  
 飯王子釋迦如來之從弟  
 慕佛出家為佛侍者總持  
 第一傳佛所說之法若水  
 傳器未嘗忘遺及其欲趣  
 滅度乃以法付其弟子商  
 那和修又囑累乎末田底  
 迦者說偈曰

本來付有法 付了言無法  
 各各須自悟 悟了無無法

第三祖商那和修亦曰  
 舍那婆斯摩突羅國人  
 姓毗舍多氏在母之胎  
 六年生有自然之服隨  
 身而長出家為阿難之  
 徒預受佛記居優留茶



伽藍先伏其地之二火  
 龍然後領眾處之及其  
 將入涅槃乃以法付其  
 弟子優波迦多說偈曰

非法亦非心 無心亦無法  
 說非法時 是法非心法  
 第四祖優波迦多吒  
 利國人姓首陀氏師  
 商那和修出家得道  
 有異迹號為無相好  
 佛度人最眾所記其  
 人壽數盈溢石室將  
 入滅遂以法付其弟  
 子提多迦說偈曰

心自本來心 本心非有法  
 有法有本心 非心非本法

第五祖提多迦摩伽  
 國人其姓則未詳初  
 從迦多尊者出家行  
 化至中印土會大仙  
 者彌遮迦自說夙緣



求為其徒及將入滅  
乃以法付彌遮迦說  
偈曰

通達本心法 無法無非法  
悟了同未悟 無心亦無法

第六祖彌遮迦中印土  
人姓則未詳初厭仙術  
求師提多迦出家學佛  
既而證果行化至北天  
竺得異人婆須蜜為其說  
佛昔嘗記汝將紹祖位即  
攝受為之弟子將般涅槃  
乃以法付婆須蜜說偈曰  
無心無可得 說得不名法  
若了心非心 始了心心法  
第七祖婆須蜜北天竺國人  
姓頗羅檀氏始常服淨衣持  
一酒器神氣自若人皆不測  
及遇彌遮迦顯其夙因遂投  
器從之出家謹道納戒行



化至迦摩羅國以論議服  
佛陀難提為之弟子將入  
涅槃乃以法付之說偈曰  
心同虛空界 示等虛空法  
證得虛空時 無是無非法

第八祖佛陀難提迦摩羅國  
人姓瞿曇氏生而頂有肉髻  
性大聰明能一覽悉記其齒  
已四十歲會婆須蜜來其本  
國乃慕其說法從之出家得  
道納戒亦務遊化至提伽國  
得奇人伏獸多為之弟子  
臨般涅槃乃以法付之說偈曰  
虛空無內外 心法亦如此  
若了虛空故 是達真如理  
第九祖伏獸多提伽國人  
姓毗舍羅氏生已五十  
歲矣口未嘗言足未嘗履  
過佛陀難提至其舍父母  
將以見之既見難提忽自  
發語趨其前而行即願師



之出家尋亦成道成已遊  
化至中印土得香蓋長者  
子即脇尊者也以為弟子  
將滅度遂以法付之說偈曰  
真理本無名 因名顯真理  
受得真實法 非真亦非偽

第十祖脇尊者中印土人  
在胎凡十六年乃生因名  
難生多有異迹會佛陀難  
提至其國父香蓋携詣之  
求與攝受及為比丘修潔  
精苦晝夜脇不至席故號  
脇尊者遊化至花氏國先  
示瑞相後果得富那夜奢  
出家為之弟子及其垂滅  
乃以法付之說偈曰  
真體自然真 因真說有理  
領得真真法 無行亦無止  
第十一祖富那夜奢花氏  
國人姓瞿曇氏生有道德性  
自知當遇聖師及脇尊者  
至其國乃詣其法會語論  
相契即從之出家得道遊



化至波羅奈國得馬鳴為  
 之弟子然正合佛記及臨  
 入滅乃以法付之說偈曰  
 迷悟如隱顯 明暗不相離  
 今付隱顯法 非一亦非二  
 第十二祖馬鳴波羅奈國  
 人未詳其姓氏初從富那  
 夜奢出家得戒其師為說  
 夙緣曰汝昔嘗化彼一國  
 之人裸形如馬而其人悲  
 鳴戀汝之德因是號汝馬  
 鳴也遊化至花氏國遂降  
 迦毗摩羅大魔即攝伏為  
 之弟子垂般涅槃乃以法  
 付之說偈曰  
 隱顯即本法 明暗元不二  
 今付悟了法 非取亦非棄  
 第十三祖迦毗摩羅花  
 氏國人未詳其姓氏初  
 為外道有大幻術因詣  
 馬鳴較法不勝遂為其  
 徒得道戒已亦遊化至



西天竺降大火龍因之  
 得龍樹為之弟子將滅  
 乃以其法付之說偈曰  
 非隱非顯法 說是真實際  
 悟此隱顯法 非愚亦非智  
 第十四祖龍樹西天竺人未  
 詳其姓氏大聰敏世學無所不  
 通其國有山名龍勝其山先有  
 神龍所居有巨樹能降眾龍及  
 龍樹有所感悟意欲出家遂入  
 其山依樹修行已能為群龍宣  
 說佛法迦毗摩羅知其名乃來  
 就見龍樹遂禮之為師納戒遊  
 化至西天竺地那提婆無滅  
 度以其法付之說偈曰  
 為明隱顯法 方說解脫理  
 於法心不證 無味亦無喜  
 第十五祖迦那提婆南天竺  
 國人姓毗舍羅會龍樹至其  
 家及門龍樹先遣以滿鉢水  
 置其前那提即以針投之  
 水中遂師龍樹出家為其高



足弟子其後行化至迦毗羅  
 國得羅睺羅多為徒將入滅  
 以法付之說偈曰  
 本對傳法人 為說解脫理  
 於法實無證 無終亦無始  
 第十六祖羅睺羅多迦毗  
 羅國人姓梵摩氏既遇提  
 婆得明其家樹日之緣即  
 師之出家悟法有異述其  
 後統徒遊化至室羅筏城  
 以佛記訪僧伽難提尋亦  
 得其出家為弟子將般涅  
 槃乃以法付之說偈曰  
 於法實無證 不取亦不離  
 法非有無相 內外云何起  
 第十七祖僧伽難提室羅筏  
 國人姓刹帝利乃其國王之  
 子謂是昔婆羅王佛也示生  
 王家遂於王宮落髮受戒尋  
 出其國之名山石室修禪會  
 羅睺羅多至其禪所因伏膺



益求法要羅多即以法傳之  
後世摩提國尋羅多所記嗣  
法之者乃得伽耶舍多入滅  
以法付之說偈曰

心地本無生 因地從緣起  
緣種不相妨 花果亦復爾

第十八祖伽耶舍多摩提國  
人姓鬱頭藍氏平生尤多奇  
迹會僧伽難提來其舍相求  
因師而出家納戒即得付法

遊化至月支國遇鳩摩羅名  
為說其家異大之緣及原吉  
夢鳩摩羅多即師之出家將  
入涅槃乃以法付之說偈曰

有種有心地 因緣能發萌  
於緣不相礙 當生生不生

第十九祖鳩摩羅多  
月支國人姓婆羅門  
氏夙稱不測之人以  
緣示生於此尋得師  
伽耶舍多出家傳法



行化至中天竺得闍  
夜多為其弟子將滅  
乃以法付之說偈曰

性上本無生 為對求人說  
於法既無得 何懷決不決

第二十祖闍夜多北天  
竺人未詳其姓氏會鳩  
摩羅多至其本國聞其  
所說業通三世感悟從  
之出家得法乃遊化諸

國至羅閱城得婆修槃  
頭比丘為徒將滅以法  
付之說偈曰

言下合無生 同於法界性  
若能如是解 運運事理竟

第二十一祖婆修槃頭羅  
閱國人姓毗舍佉氏在胎  
嘗有聖僧以其夙緣告其  
父母及生大異稍長從光  
度羅漢出家慕飲光修杜



多行專會闍夜多得傳大  
法遊化至那提國得摩摩羅  
為徒將滅以法付之說偈曰

泡幻同無礙 如何不了悟  
達法在其中 非今亦非古

第二十二祖摩摩羅那提  
國人姓刹帝利乃其國王  
之子也有大神力父王命  
師婆修槃頭出家已得戒  
付法遊化自西天竺以神

通自舉至月支國得鶻勒  
那比丘即以法付之尋般  
涅槃其付法偈曰

心隨萬境轉 轉處實能幽  
隨流認得性 無喜復無憂

第二十三祖鶻勒那月支國  
人姓婆羅門氏在胎及生頗  
有異迹尋從羅漢比丘出家  
納戒常林棲誦經以夙因緣  
成群鶴依之故得其號晚因  
摩摩羅得法遊化至中天竺



國得師子比丘為其徒將滅以法付之復滅之曰汝往他國其國有難而累在汝躬慎早付授無令斷絕偈曰

認得心性時 可說不思議  
了了無可得 得時不說知

第二十四祖師子比丘中天竺國人姓婆羅門氏少已出家習定晚又師鵝勒那得付大法往化於屬實國先化正他者如達磨達等苦求後得長者子斯多決其攝珠之緣遂受之出家以其夙緣特加其名曰婆舍斯多斯多戒已師子乃謂曰適觀此爾將加難於我我豈苟免而吾所傳如來大法眼藏今付於汝汝宜奉之即去自稱傳化或有疑者即以吾僧伽梨衣為信說偈曰

正說知見時 知見俱是心  
當心即知見 知見即于今

第二十五祖婆舍斯多屬實國人姓婆羅門氏以方言不問本傳凡三出其名生有異迹既遇師子與辨其夙緣乃為其徒師子知自有難遂預以法付之斯多即去歷中天竺南印土所化多有



異事遂得南天竺國王之子不如蜜多為之弟子與之還其前所化境將滅以法付之說偈曰

聖人說知見 當境無是非  
我今悟真性 無道亦無理

第二十六祖不如蜜多南天竺國人姓刹帝利亦多異迹以太子從婆舍斯多出家得果尋從斯多出宮乃得付法遊化至東天竺得聖童子瑠珞出家為徒改名般若多羅謂是大勢至菩薩再述將入滅乃以法付之說偈曰

真性心地藏 無頭亦無尾  
應緣而化物 方便呼為智

第二十七祖般若多羅東天竺國人姓婆羅門氏初以童子過不如蜜多其聖迹既顯遂從之出家納戒得傳法印遊化南天竺國得其國王之



菩提多羅為之弟子改其法名曰菩提達磨此後更四十年餘入滅乃以法付之說偈曰

心地生諸種 因事復生理  
果滿菩提圓 花開世界起

第二十八祖菩提達磨菩提達磨之類凡三四說南天竺國人姓刹帝利蓋其國王之子也從般若多羅出家得其付法謂是觀音菩薩之所垂迹其後六十七年乃以法東來震旦其所傳授直指人心見性成佛不讀文字初至梁以其機鋒不契乃往北魏止於嵩山九年方得慧可從其求道其後果以大法付慧可并衣鉢為信乃為此土傳法之初祖也後去少林而示滅度其傳法偈曰

吾本來茲土 傳法救迷情  
一花開五葉 結果自然成

第二十九祖慧可武牢人姓姬氏三十捐世書出家尋得戒三十二以異夢辨其本師混迹於京洛遇達磨大師乃立雪斷臂懇求法印果得其傳授因為易



名遂為衆之所歸尋得三祖僧  
璨為之弟子以法付之却往都  
都償其夙累其傳法偈曰

本來緣有地 因地種花生  
本來無有種 花亦不曾生

第三十祖僧璨不知其何  
許人初以處士見慧可尊  
者不稱姓名因問法發悟  
乃師之出家遂命今法名  
納戒可祖乃以法付之去  
隱舒州皖公山三十載方  
為衆所歸尋得道信以沙  
彌師之道信既納戒即以  
法付之其後子然乃南遊  
于羅浮山其傳法偈曰

花種雖因地 從地種花生  
若無人下種 花地豈無生

第三十一祖道信新陽  
人姓司馬氏以穎悟得  
法於三祖至唐初乃居  
斯之雙峯山途中得奇  
童度為弟子遂名之曰



弘忍尋以法并前祖信  
衣付之後乃滅度其傳  
法偈曰

花種有生性 因地花生生  
大緣與信合 當生生不生

第三十二祖弘忍新陽黃梅  
人姓周氏生有殊相有賢者  
見之曰此真大人相所不及  
如來者七種耳師四祖道信  
出家納戒尋得其付法繼居  
破頭山即雙峯教化大盛咸亨  
中客有盧居士自稱慧能自  
嶺南而來趨其法會忍祖器  
之以其所呈法偈遂以居士  
傳法并以衣鉢說偈曰

有情來下種 因地果還生  
無情既無種 無性亦無生

第三十三祖慧能新州新興  
人姓盧氏初以至孝事母家  
貧以鬻薪為資因聞商客誦  
經乃知五祖弘忍傳佛心印  
遂備資與母辭去就黃梅以  
求其法見五祖相契竊以居  
士受法南還廣州落髮持法



性寺得具戒後居韶陽曹侯  
溪大為四衆所歸方以其法  
普傳前祖所授衣鉢則置之  
於其所居之寺其後說偈示  
徒以顯其法偈曰

心地含諸種 普雨悉皆生  
頓悟花情已 菩提果自成

竺大力者第二十三祖鶴勒那之弟子也以  
漢獻帝之世至于洛邑後乃適具與康僧會  
相遇僧會嘗問大力曰仁者師誰曰吾師鶴  
勒那僧會曰鶴勒之徒如仁者幾何人復有  
過之者耶大力曰似我者三千若其穎出但  
一上人耳其號師子比丘其人密受正法與  
我師繼世方揚化於北天竺國

佛馱跋陀天竺人也本姓釋迦氏甘露飯王  
之後也初會秦僧智嚴於罽賓國乃懇請跋  
陀偕來諸夏傳授禪法初至長安其後乃之  
廬山遂出其禪經與遠公同譯譯成遠公為  
之序嘗謂遠公曰西土傳法祖師自大迦葉  
直下相承凡有二十七人其二十六祖近世  
滅度名不如密多者所出其繼世弟子曰不  
若多羅者方在南天竺國行其教化遠唐末

祖故未稱之故其禪經曰佛滅度後尊者大迦葉

尊者阿難云乃至不如蜜多羅諸持法人以

此慧燈次第相傳我今如其所明而說是義

所聞者即達磨多羅也後為二十八祖故遠

公序曰達磨多羅西域之偽禪訓之宗寶林

傳所謂跋陀嘗與遠公言其傳法諸祖世數

固驗於禪經矣愚考其翻譯禪經之時乃先

於付法藏傳六十二年而已有二十八祖而

付傳輒出魏氏毀教之後但列二十四世妄

斷其相付法人於此便絕反于禪經豈其欲

有所欺乎愚正宗論嘗指其傳之非詳矣然

其謬書可焚也

曇摩迦羅者中印土人以魏黃初壬寅三年

至于許昌許昌僧光璨嘗問曰西國有何勝

師以何法住持迦羅曰西土凡有二人士一

曰摩拏羅祖也一曰鶴勒那祖也皆傳

正法以法住持其一化西印土其一化中天

竺國僧祐者本齊人歸梁以持律知名嘗著

出三藏記其薩婆多部相承傳目錄曰娑羅

多羅二十弗若蜜多二十不若多羅二十達

磨多羅八十祐尋終於梁也

支強梁樓者中天竺國人也以前魏陳留王

世至洛陽與曇諦康僧鑑輩譯經因謂諸僧

曰我昔在西域嘗往罽賓國至葱塗源入其

象白山見達磨達年壽甚高謂其得法之師

師子尊者嘗為彌羅崛王起難橫害先難預

以其相承大迦葉所傳佛之心印妙法付其

同學達磨達號婆舍斯多也二十五復授衣

為信其時即遣往化於南天竺國支強自謂

亦相識婆舍斯多然諸祖事迹自七佛以來

至于二十五祖婆舍斯多乃此支強之所譯

也那連耶舍者罽賓國人也以東魏孝靜之

世至于鄴都初與處士萬天懿譯出尊勝陀

羅尼後因謂天懿曰西國諸祖二十七大大士

亦受持此經然二十七祖號般若多羅其所

出繼世弟子曰達磨多羅者昔當魏明帝世

正光元年至于洛陽其人亦喜此經萬天懿

曰然此大士我亦聞其當於祖位傳佛正法

不悉其後復有繼之者乎耶舍遂以偈答之

其說皆隱語凡自七佛至二十七祖與達磨

二十八祖傳受之事蓋此耶舍之所譯也

波羅芬多者中天竺人也以前魏廢帝齊王

之嘉平二年來洛陽至晉太始三載其弟子

摩伽陀復來芬多因問曰汝在西時頗遊北

天竺耶或謂師子尊者無辜為其國王所害

是否今復有傳法者與其相繼耶摩伽陀曰

然師子害死至今二十三白有沙門號婆舍

斯多本罽賓國人先難得其付法授衣即日

去之方於中天竺大隆佛事芬多謂其弟子

曰我亦聞之汝言驗矣當時好事者即書留

于白馬寺後有玄朗法師者得於其寺乃傳

於世

健那者不知其西域何國人也未詳何時至

諸夏唐天寶中與河南尹李常者相會常問

曰天竺禪門祖師多少健那曰自大迦葉直

至般若多羅凡有二十七祖不言達磨以其

若總以西土言之若彼師子尊者旁出達磨

達四世二十二總有四十九祖若從七佛

至此瓌大師師慶三祖不括橫枝凡有三

十一世常又問他僧曰余見祖圖或引五十

餘祖至其枝派差殊宗族不定或但有空名此何以然時有六祖弟子曰智本禪師對曰斯蓋後魏之時佛法毀廢當時有僧曇曜於倉卒間單錄諸祖名目不暇備寫懷之亡於山谷後三十餘年當其君孝文帝之世曜出之與衆絹綴爲付法藏傳其差悞亡失事實乃曇曜之所致也然愚嘗考曇曜輩所爲付法藏傳其文鹹類單錄自彌遮多迦至于師子羅漢凡七祖師最缺殊無本末亦李常所謂祖圖但空有其名者此是也

裴休字公美自唐會昌中以兵部侍郎御史大夫同平章事號爲名相撰圭峯密師傳法碑曰釋迦如來最後以法眼付大迦葉令祖祖相傳別行於世非私於迦葉而外人天聲聞菩薩也自大迦葉至於達磨凡二十八世達磨傳可傳瓌瓌傳信信傳忍忍傳能爲六祖  
傳法正宗記定祖圖

傳法正宗定祖圖

校勘記

一 底本，清藏本。此卷徑無圖像，但文義、序次相近，而與影印宋磧砂藏本之圖像大異（此卷磧砂藏本缺，其影印本係以明永樂南藏本補闕）。茲以影印宋磧砂藏本作爲別本，附載於後。此別本一卷，編次爲「卷第二」的原因，見本冊輔教篇上卷校勘記。

一 四一七頁上一行「傳法正宗定祖圖序」；徑作「傳法正宗定祖圖卷第一」並有夾註「并序作十卷」。

一 四一七頁中一七行至本頁下七行「劉昫……宋太保」，徑置於四二五頁上一七行「六祖」之後。

一 四二五頁上末行「定祖圖」，徑作「定祖圖卷第一」。